



28 DEC, 2021

49 peserta ladang kontrak FAMA terkesan, jejas rantai bekalan

Utusan Borneo Sabah, Malaysia

Page 1 of 2

49 peserta ladang kontrak FAMA terkesan, jejas rantai bekalan

KUALA LUMPUR: Lembaga Pemasaran Pertanian Persekutuan (FAMA) Selangor mendapati bencana banjir di negeri ini mengakibatkan 49 peserta ladang kontrak terjejas dengan sebahagian besar mereka mengusahakan tanaman dan bahan input seperti baja dan racun.

Pengarah FAMA Selangor Aiada Abdul Rashid berkata, situasi itu akan menjejas rantai bekalan hasil tanaman.

“Kesan banjir terhadap rantai bekalan hasil tanaman sedang dikaji oleh agensi-agensi kerajaan yang terlibat. Kita melihat perkara ini akan menjejas rantai bekalan hasil tanaman,” katanya selepas program penyerahan sumbangan FAMA di sini semalam.

FAMA Selangor dengan kerjasama Jawatankuasa

Pasar Tani Selangor semalam menyampaikan barangan keperluan harian kepada 175 orang usahawan pasar tani dan lapan usahawan industri asas tani yang terjejas banjir di sembilan daerah di Selangor.

Aiada berkata, dalam tempoh seminggu, pihaknya dapat mengumpulkan bantuan daripada pengusaha pasar tani, badan bukan kerajaan serta orang awam yang sudi menyumbang membantu mangsa terkesan bencana terbabat.

Sementara itu, FAMA Selangor menerusi kenyataan memaklumkan pihaknya telah mewujudkan bilik gerakan Pusat Pengurusan Krisis (CMC) untuk memastikan kelancaran penyampaian bantuan kepada usahawan terjejas.

Bilik gerakan yang berope-



SUMBANGAN: Aiada (kiri) bersama Pengerusi Pasar Tani Negeri Selangor, Zul Ahmad (kanan) melihat barangan keperluan yang disumbangkan oleh FAMA kepada mangsa-mangsa banjir pada Program Penyerahan Sumbangan Mangsa Banjir Usahawan Pasar Tani Negeri Selangor di Pusat Operasi FAMA Puchong semalam.

— Gambar Bernama

rasi pada 8.30 pagi hingga 7 malam setiap hari itu bertujuan menerima permohonan bantuan daripada

usahawan menerusi portal ‘FAMA Feedback System’ atau di talian hotline FAMA. — Bernama



28 DEC, 2021

49 peserta ladang kontrak FAMA terkesan, jejas rantai bekalan

Utusan Borneo Sabah, Malaysia

Page 2 of 2

SUMMARIES

KUALA LUMPUR: Lembaga Pemasaran Pertanian Persekutuan (FAMA) Selangor mendapati bencana banjir di negeri ini mengakibatkan 49 peserta ladang kontrak terjejas dengan sebahagian besar mereka mengusahakan tanaman dan bahan input seperti baja dan racun. Pengarah FAMA Selangor Aiada Abdul Rashid berkata, situasi itu akan menjejas rantai bekalan hasil tanaman. "Kesan banjir terhadap rantai bekalan hasil tanaman sedang dikaji oleh agensi-agensi kerajaan yang terlibat.